

No. Soalan : 179

PR-1341-T73623

**PEMBERITAHUAN PERTANYAAN BAGI JAWAB BERTULIS**

**DEWAN RAKYAT MALAYSIA**

**PERTANYAAN : JAWAB BERTULIS**

**DARIPADA : TUAN HAJI AHMAD LAI BIN BUJANG  
[ SIBUTI ]**

**SOALAN : Tuan Haji Ahmad Lai bin Bujang [ Sibuti ]  
minta **MENTERI LUAR NEGERI** menyatakan  
jumlah warganegara Malaysia yang dilaporkan  
hilang di luar negara sejak 2010-2015 dan  
apakah langkah yang diambil untuk mengesan  
warganegara yang hilang.**

## **JAWAPAN**

Tuan Yang di-Pertua,

Saya mengucapkan terima kasih kepada Yang Berhormat Sibuti atas pertanyaan yang dikemukakan.

Tuan Yang di-Pertua,

2. Kes kehilangan warganegara Malaysia di luar negara secara amnya yang ada di dalam rekod Kementerian dari tahun 2010 sehingga 2015 adalah sebanyak 11 kes. Dalam masa yang sama, terdapat dua lagi kategori kes kehilangan iaitu kehilangan yang melibatkan penahanan sebanyak 314 kes dan kehilangan yang melibatkan *Privacy Act* dengan izin, sebanyak 38 kes.

3. Apabila berlaku kes kehilangan, pengadu adalah dinasihatkan untuk membuat laporan polis. Dalam masa yang sama, Kementerian akan mengarahkan Pejabat Perwakilan Malaysia yang berkenaan untuk mengambil tindakan susulan, dengan memaklumkan berhubung laporan kehilangan kepada pihak berkuasa tempatan secara rasmi bagi tindakan selanjutnya.

4. Berdasarkan kes-kes terdahulu, warganegara Malaysia yang dilaporkan hilang di luar negara kebiasaannya didapati ditahan oleh pihak berkuasa tempatan atas pelbagai kesalahan. Dalam pada itu, ada di antara mereka yang tidak mahu dihubungi oleh pihak keluarga atas sebab-sebab tertentu.

Sekian, terima kasih.